



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IV. Gregorius septimus edixit solum Pontificem Romanum posse Episcopos deponere vel reconciliare, & Legatum ejus adversùs eos sententiam depositionis dare posse. Legatis tamen suis imponebat ...

**urn:nbn:de:hbz:466:1-15617**

nire; scilicet quia omnium Ecclesiarum majores & difficiliiores causa per sanctam & principalem beati Petri sedem à successoribus ejus diffiniende sunt; utpote cui divinitus dicitur, *Conferma fratres tuos, & Tibi daboclaves regni celorum.*

III. Itaque quoties dein actum est de dejiciendo Episcopo, tametsi Gallus esset, Episcopi accusati Romam vocati sunt, & eorum depositio peracta in synodo Romana. Interdum tamen Summi Pontifices Legatos à latere miserunt in provincias; qui congregata synodo primam causæ cognitionem instituebant cum Episcopis provinciæ. Illustrè hujus rei exemplum extat in causa cuiusdam Episcopi simoniaci & quinque aliorum Episcoporum, qui ab Hildebrando Victoris Papæ Legato depositi sunt in Concilio Lugdunensi anno millesimo quinquagesimo quinto, ut adnotat Petrus Damiani in epistola nona ad Nicolaum Papam. *A Victore Papa, inquit, Apocrisiarius in Gallias destinatus ( idest, Hildebrandus ) synodum congregavit; in qua videlicet sex Episcopos diversis criminibus involutos ex apostolice sedis auctoritate deposuit.* Stigandi autem Archiepiscopi Cantuariensis itemque alterius cuiusdam Episcopi Anglicani depositio peracta est in Concilio apud Vvintoniam in Anglia celebrato anno M L X X . cui interfuerunt tres Legati sedis apostolicae. In quo Concilio Stigandus Doroberni Archiepiscopus degradatur, ut ait Rogerius de Hoveden.

IV. Sed neque major neque illustrior auctoritas proferri potest ad probandam propositionem nostram quam ea quæ extat in decantatis illis articulis Gregorij VII. editis anno millesimo septuagesimo quarto, qui vulgo *Dicitus Papa* vocantur; in quibus continent vetera & nova privilegia sedis apostolicae. Extant autem numero XXVII. in regesto illius Pontificis post epistolam quinquagesimam quintam libri secundi. In tertio sic habetur: *Quod ille solus possit deponere Episcopos vel reconciliare.* In quarto autem: *Quod Legatus ejus omnibus Episcopis presit in Concilio, etiam inferioris gradus, & adversus eos sententiam depositionis possit dare.* Attamen Gregorius Legatis suis imponebat necessitatem mittendi ad sedem apostolicam relationem rerum gestarum, quam Legati confirmabant scriptis privatum literis; quemadmodum usurpatum est in causa Episcopi Carnotensis, quem Hugo Episcopus Diensis Gregorij Legatus depositus, & in dejectione Manassis Archiepiscopi Remensis. In casu vero appellationis, conquectionem depositorum admittebat, ut constat ex variis locis ejusdem regestis, in primis au-

tem quoad depositionem Archiepiscopi Auscitani & Episcopi Bigotritani, quæ anno millesimo septuagesimo tercio decreta fuerat à Giraldo Episcopo Ostiensi Gregorij septimi Legato. Admissa autem appellatio ne depositorum, causam interdum integrum remittebat ad Legatos, ut eam rurum in plenario Concilio judicarent, cuius moris exemplum datum est in causa Lamberti Episcopi Morinensis, quæ remissa est ad Hugonem Lugdunensem Archiepiscopum, <sup>lib. 9. ep. 31.</sup> Gregorij Legatum.

V. At Gregorius non mittebat semper Legatos ad judicandas causas Episcoporum; sed sollicitudinem eam quandoque delegabat Episcopis qui circa morabantur. Ac tamen auctoritatem suam retinebat in rescripto delegationis; cuius formula valde digna notatu est. Rainerius Aurelianensis Episcopus ante legitimam etatis annos ad episcopatum promotus fuisse dicebatur absque electione cleri & populi; tum archidiaconatus & abbatias vendidisse arguebatur; cùmque Romam ad dicendam causam vocatus fuisse, neque illuc accesserat, neque miserat excusationem. Contumaciam illam excommunicatione quidem ultus est Pontifex; sed Rainerius, spreta excommunicatione, perficit exercere functiones munieris episcopalis. Ei accusationi examinandæ Gregorius anno millesimo septuagesimo septimo delegat Archiepiscopos Senonensem ac Biturgensem eorumque suffraganeos, coram quibus innocentem se esse probare poterit reus. Si vero constiterit vera esse crimina, tum eum Pontifex in antecessum deponit auctoritate hujus rescripti, quod publicari & in executionem mitti ab Episcopis jubet, à quibus etiam aliud in loco depositi ordinari mandat. Tanta autem retinenda auctoritatis sua cupidine flagrabat ut maluerit sententiam conditionalem ferre contra prescripta legum quam pati ut depositio decerneretur à Metropolitanis; quibus nihilominus tribuit supremam in causa ista judicanda auctoritatem & purgationem sententia susæ. Auctoritate apostolica vobis precipimus, <sup>Gregor. VII. Ep. 1.</sup> inquit, ut ad examinationem actuum suorum, in locum quem magis aptum probaveritis, conveniatis, ad quem prius literis vestris cum conveneritis; ibique de supradictis vobis respondet, & si potest, se innocentem reddat. Quod si forte in contumacia sua permanens, infra quadriginta dies admonitionis venire contempserit, aut veniens de omnibus supradictis canonice se non expurgaverit, iudicio sancti Spiritus & auctoritate apostolica sententiam damnationis & depositionis, sine omni spe restitutienis, in cum promulgamus; quam vos, sicut decet, sequen-